

PROTOKOL O SARADNJI

zaključen između

OPĆINA ILIJAŠ

i

MJESNE ZAJEDNICE OPĆINE ILIJAŠ

**Dragoradi, Gajevi, Kamenica, Srednje, Ljubina, Malešići, Ilijaš Stari,
Ilijaš Grad, Luka, Misoča, Mrakovo, Podlugovi, Ljubnići, Lješevo**

Polazeći od činjenice da je lokalna samouprava jedan od temelja ustavnog uređenja i da je mjesna zajednica jedan od najznačajnijih oblika učešća građana u procesu donošenja odluka na lokalnom nivou sa najdužom tradicijom postojanja,

Uzimajući u obzir opredjeljenje za razvoj lokalne demokratije u skladu sa principima Evropske povelje o lokalnoj samoupravi,

U cilju pune implementacije odredaba Zakona o principima lokalne samouprave Federacije Bosne i Hercegovine („Službene novine Federacije BiH“, broj 49/06 i 51/09) koje se odnose na mjesnu samoupravu, javnost rada organa lokalne samouprave i neposredno učešće građana u odlučivanju u jedinicama lokalne samouprave kao i Statuta općine Ilijaš kojima se uređuje mjesna samouprava,

Svjesni potrebe da se učešće građana u donošenju odluka može ostvariti na najbolji način kroz saradnju predstavnika građana i organa jedinice lokalne samouprave,

U želji da se u okviru važećih propisa uspostavi čvršća i efikasnija saradnja u realizaciji lokalnih razvojnih prioriteta koji uvažavaju potrebe i interese građana, mjesnih zajednica općine Ilijaš, koje predstavljaju predsjednici savjeta i Općina Ilijaš koju predstavljaju općinski načelnik i predsjedavajućanik Općinskog vijeća, saglasili su se da potpišu:

PROTOKOL O SARADNJI

Član 1.

Potpisnici protokola saglasni su da će ovim protokolom definisati oblasti i načine međusobne saradnje i komunikacije, a sve u cilju stalnog unapređivanja i razvoja lokalne samouprave i jačanja uloge mjesne zajednice u donošenju odluka na lokalnom nivou.

Član 2.

Strane potpisnice saglasne su da će razvijati saradnju u oblastima:

- a) unapređenja međusobnih odnosa savjeta mjesne zajednice i organa općine,
- b) unapređenja učešća građana/predstavnika mjesne zajednice u donošenju odluka na lokalnom nivou,
- c) unapređenja međusobnih odnosa organa mjesne zajednice i građana,
- d) informisanja i pružanja osnovnih javnih usluga i
- e) u drugim oblastima za koje strane potpisnice ocijene da su od zajedničkog interesa.

Član 3.

U cilju unapređenja odnosa i jačanja saradnje u oblastima navedenim u članu 2. Protokola, organi općine Ilijaš će:

1) izvršiti analizu svih relevantnih akata/propisa organa jedinice lokalne samouprave, te u skladu sa rezultatima analize pristupiti aktivnostima i donošenju propisa, odnosno izmjenama i dopunama važećih propisa, a naročito:

- preciziranja odredaba koje se odnose na organizaciju i pružanje administrativne i tehničke podrške radu mjesnih zajednica od strane Općine i upravljanja objektima koji su joj dati na korišćenje,

- jačanja uloge mjesnih zajednica u procesima odlučivanja u Općinskom vijeću,

- definisanje procedure za redovnu komunikaciju građana i općinskih organa, a naročito u dijelu utvrđivanja rokova za davanje odgovora na inicijative i zahtjeve mjesne zajednice, te uspostavljanje evidencije o komunikaciji između mjesne zajednice i organa jedinice lokalne samouprave,

- definisanje razvojnih procesa u kojima je potrebno konsultovati mjesne zajednice,

2) organizovati redovne koordinacione sastanke sa predstavnicima mjesnih zajednica najmanje dva puta godišnje, a po potrebi i češće, o pitanjima koja se odnose na donošenje strateških razvojnih dokumenta, utvrđivanje razvojnih prioriteta za mjesnu zajednicu i općinu, donošenje budžeta i planova prostornog uređenja, kao i o drugim pitanjima koja su od zajedničkog interesa i koja doprinose uravnoteženom razvoju mjesnih zajednica na području općine,

3) usaglašavati vrste i obim administrativne i tehničke pomoći koju općina pruža mjesnim zajednicama,

4) provoditi javne rasprave i druge oblike konsultacija koje organizuju organi Općine, na način da se građani i mjesne zajednice blagovremeno, jasno i sveobuhvatno obavijeste o svim konsultativnim procesima,

5) obezbijediti efikasan način dostavljanja informacija mjesnim zajednicama, te uspostaviti službene *e-mail* adrese mjesnim zajednicama i elektronski umrežiti mjesne zajednice,

6) unaprijediti sadržaj internet stranice općine Ilijaš informacijama iz mjesnih zajednica, te u tom smislu utvrditi obim i sadržaj informacija, i

7) provoditi i druge aktivnosti koje u skladu sa važećim propisima mogu da doprinesu jačanju saradnje općine i mjesnih zajednica.

Član 4.

U cilju unapređenja odnosa i jačanja saradnje u oblastima navedenim u članu 2. Protokola, mjesne zajednica će:

- 1) održavati i razvijati partnerski odnos sa organima jedinice lokalne samouprave,
- 2) inicirati instaliranje alata na internet stranici Općine za zahtjeve i pitanja koje građani dostavljaju nadležnim općinskim organima,
- 3) usvojiti plan rada za svaku godinu i isti dostaviti nadležnim organima općine, vodeći računa o rokovima za izradu budžeta propisanih zakonom koji uređuje budžetski sistem,
- 4) unaprijediti sistem izvještavanja i informisanja građana i javnosti o aktivnostima savjeta Mjesne zajednice i realizaciji godišnjeg plana rada savjeta Mjesne zajednice,
- 5) inicirati donošenje akta kojim će se utvrditi postupak prikupljanja sredstava za finansiranje prioriternih projekata mjesne zajednice sredstvima prikupljenim od građana, privrednih društava, građana koji žive u inostranstvu i sl.,
- 6) uspostaviti sistem evidentiranja akata koje donose, odnosno izdaju organi mjesne zajednice, finansijske dokumentacije, kao i evidencije o aktivnostima organa mjesne zajednice i o njihovoj komunikaciji sa građanima, zasnovanim na načelima kancelarijskog poslovanja,
- 7) uspostaviti evidenciju o potencijalno marginaliziranim kategorijama stanovništva na području mjesne zajednice u saradnji sa općinskim organom nadležnim za pitanja socijalnog rada,
- 8) uspostaviti praksu anketiranja građana o njihovom zadovoljstvu radom mjesne zajednice, te kreirati obrasce za prijedloge, pohvale i pritužbe građana,
- 9) jačati vlastite kapacitete i kontinuirano educirati članove savjeta mjesne zajednice,
- 10) po potrebi učestvovati u raspravama na sjednicama Vijeća, ukoliko je to propisano aktima nadležnog organa, i o aktuelnim pitanjima, odnosno tačkama dnevnog reda informisati građane,
- 11) unaprijediti način informisanja građana o javnim raspravama i drugim vidovima konsultacija koje se organizuju na području mjesne zajednice i animirati građane za učestvovanje u javnim raspravama i forumima građana,
- 12) nastaviti praksu održavanja foruma građana, kao i tematske zborove građana, u cilju promocije određenih tema, odnosno pitanja,
- 13) jačati saradnju sa drugim mjesnim zajednicama u cilju zajedničkog istupanja prema nadležnim organima općine, definisanja zajedničkih razvojnih prioriteta i razmjene dobrih praksi,
- 14) jačati saradnju sa organizacijama civilnog društva i poslovnom zajednicom, te organizovati događaje u cilju jačanja učešća građana u radu mjesne zajednice.

Član 5.

U cilju ostvarivanja uspješne saradnje, strane potpisnice će imenovati svoje predstavnike koji će biti zaduženi za međusobnu komunikaciju, razmjenu informacija i koordinaciju aktivnosti koje će se sprovoditi na osnovu ovog protokola.

Svaka strana potpisnica može da predloži realizaciju i drugih aktivnosti koje se odnose na oblasti saradnje iz ovog protokola.

Član 6.

Strane potpisnice saglasne su da svakih šest mjeseci organizuju sastanak u cilju praćenja dinamike realizacije ovog protokola i planiranja narednih aktivnosti.

Član 7.

Ovaj protokol stupa na snagu danom potpisivanja, a sačinjen je u šesnaest (16) istovjetnih primjeraka od kojih svaka mjesna zajednica zadržava po jedan (1), a općina Ilijaš dva (2) primjerka.

Protokol o saradnji potpisan je u Ilijašu 25.09. 2019. godine.

POTPISNICI

<p>NAČELNIK OPĆINE ILIJAŠ</p>  <p>M.P.</p> <p>Akif Fazlić, dipl.ecc.</p> <p>Broj:01/2-05-2028/19</p> 	<p>PREDSJEDAVAJUĆA OPĆINSKOG VIJEĆA ILIJAŠ</p>  <p>M.P.</p> <p>Alma Omerović, BA nov.</p> <p>Broj: 01/1- 2029/19</p> 
<p>Mjesna Zajednica Dragoradi</p> <p>Predsjednik Savjeta</p>  <p>M.P.</p> <p>Denis Dilberović</p> <p>Broj: 02/03-XI-49-74/19</p> 	<p>Mjesna Zajednica Gajevi</p> <p>Predsjednik Savjeta</p>  <p>M.P.</p> <p>Manir Gljiva</p> <p>Broj: 02-34/19</p> 

<p>Mjesna Zajednica Kamenica Predsjednik Savjeta [Redacted] M.P. Akif Šehić Broj: 01-VIII-2/19</p>	<p>Mjesna Zajednica Srednje Predsjednik Savjeta [Redacted] M.P. Adis Karavdić Broj: 02/03-IX-49-07/19</p>
<p>Mjesna Zajednica Ljubina Predsjednik Savjeta [Redacted] M.P. Meho Tabaković Broj: 02/03-VII-49-209/19</p>	<p>Mjesna Zajednica Malesi Predsjednik Savjeta [Redacted] M.P. Senad Tabaković Broj: 01-03-XIV-49/19</p>
<p>Mjesna Zajednica Ilijaš Stari Predsjednik Savjeta [Redacted] M.P. Benjamin Redžo Broj: 02/03-49-62/19</p>	<p>Mjesna Zajednica Ilijaš Grad Predsjednik Savjeta [Redacted] M.P. Kenan Hasić Broj: 07-49-033/19</p>
<p>Mjesna Zajednica Luka Predsjednik Savjeta [Redacted] M.P. Elmin Brkić Broj: 02/03-49-54/19</p>	<p>Mjesna Zajednica Misoča Predsjednik Savjeta [Redacted] M.P. Emrah Kahriman Broj: 07-49-20/19</p>
<p>Mjesna Zajednica Mrakovo Predsjednik Savjeta [Redacted] M.P. Mehmed Smajlović Broj: 07-05-77ms/19</p>	<p>Mjesna Zajednica Podlugovi Predsjednik Savjeta [Redacted] M.P. Safet Gabeljić Broj: 02-03-49-111-75/19</p>
<p>Mjesna Zajednica Ljubnici Predsjednik Savjeta [Redacted] M.P. Dževad Alispahić Broj: 02-03-49-XIII-371/19</p>	<p>Mjesna Zajednica Lješevci Predsjednik Savjeta [Redacted] M.P. Fuad Masnopita Broj: 02-08/19</p>